



Broj predmeta: 13-002002/23
Broj akta: 01.1-1528ZN-0007/23
Datum, 20. 9. 2023.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25. stav (1) Zakona o javnim nabavkama («Službeni glasnik BiH», broj 39/14 i 59/22), član 10. stav (1) tačka b) Instrukcije o organizaciji i internom postupanju u postupcima javnih nabavki u Brčko distriktu BiH BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023) Zapisnika o pregledu i ocjeni ponuda sa preporukom Komisije za javne nabavke broj: 13-002002/23 od 13.9.2023. godine i Mišljenja Pravobranilaštva Brčko distrikta BiH broj:M-1031/23 od 20.9.2023. godine gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1.

(1) U provedenom otvorenom postupku za nabavku naoružanja za potrebe Policije Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je „SHOT“ d.o.o. Zenica.

Vrijednost ugovora sa uračunatim PDV-om iznosi

89.996,40 KM.

Član 2.

Postupak je proveden na osnovu Odluke o pokretanju postupka javne nabavke broj: 14.04.1-13-1145/23 od 5.7.2023. godine, Obavještenja o nabavci na portalu javnih nabavki broj: 1157-1-1-301-3-521/23 od 17.8.2023. godine, specifikacije robe u vezi sa Tenderskom dokumentacijom broj: 13-002002/23 i ponuda ponuđača.

Član 3.

Finansiranje navedene nabavke će se izvršiti iz kapitalnog budžeta 2023. godine, organizacioni kod 13010001, ekonomski kod 821300, šifra projekta:13981 – Automatsko oružje (jurišna puška) i šifra projekta:13979 – Oružje (snajperska puška).

Образложение

Komisija za nabavke je nakon izvršenog otvaranja ponuda konstatovala da su dostavljene dvije ponude, sljedećih ponuđača: „Shot“ d.o.o. Zenica i „Danial's“ d.o.o. Tešanj. Sastavni dio odluke čini zapisnik sa otvaranja ponuda i zapisnik o pregledu i ocjeni ponuda. Ponude su ocijenjene kao prihvatljive prema obliku, sadržaju i potpunosti te u pogledu načina pripreme i dostave ponuda. Tenderskom dokumentacijom je zahtijevano da se dostave brošure i katalozi za navedeni predmet javne nabavke iz kojih je vidljivo da ponuđeni proizvod u potpunosti ispunjava minimalne zahtjeve propisane tehničkom specifikacijom. Izvršen je pregled uzoraka i komisija za ocjenu prihvatljivosti ponuda je ocijenila da ponuda ponuđača „Danial's“ d.o.o. Tešanj nije prihvatljiva jer ne ispunjava minimalne uslove propisane tehničkom specifikacijom. U zapisniku je navedeno se nepravilnosti ogledaju u sljedećem: Ponuđeni model automatske puške SG553, proizvođača Sig Sauer nije u skladu sa traženom tehničkom specifikacijom. Ručka za punjenje nalazi se sa desne strane a u režimu rada-pucanja ista se kreće, ne miruje što je traženo u tenderskoj dokumentaciji. Na ponuđenom modelu radni elementi kao što su: utvrđivač okvira, selektor paljbe i ručka za punjenje nisu dizajnerski na način da su prilagođeni za rukovanje sa obje strane (lijevo-desno rame). Prateći dio dokumentacije koji je dostavljen nije istovjetan ponuđenom modelu automatske puške te se kao takav ne može uzeti u razmatranje. Nisu postojali elementi za sumnju na neprirodno nisku cijenu ponude. S obzirom da je bila jedna prihvatljiva ponuda, nije zakazivana e-aukcija. Ponuda je bila u okviru procijenjene vrijednosti nabavke. Komisija je u skladu sa kriterijem najniže cijene dostavila preporuku o izboru najpovoljnijeg ponuđača u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Policiji,
5. Arhivi.

